

Брунейда Қуръон дарслари



18:03 / 12.08.2020 1170

Яқинда бўлиб ўтган Covid-19 матбуот анжуманида Бруней Даруссаломда Қуръон дарслари бошлангани маълум қилинди. Бу ҳақда Borneo Bulletin манбаси хабар берди. Бундан ота-оналарнинг кўнгил кўтарилиб, ўз миннатдорчиликларини билдиришди.

Улар фарзандларини мактабдан ташқари кунларини диний илмлар билан тўлдиришлари мумкинлигидан хурсанд бўлдилар.

Ота-оналарнинг айтишича, фарзандларини Қуръон дарсларига қайтариш тўғрисида ҳеч қандай эътироз йўқ эканлиги, ҳукумат Covid-19 инфекциясини юқиш ҳолатини олдини олган ва бундан кейин ҳам вирус тарқалишини олдини олиш учун соғлиқни сақлаш чораларига таянганлигини маълум қилишди.

Имом Абдулазиз бин Ҳожи Абдуллоҳнинг таъкидлашича, Қуръони карим дарслари Масжидлар ишлари бошқармаси ва Соғлиқни Сақлаш Вазирлиги тавсияларига мувофиқ олиб борилмоқда. У дарс пайтида ҳам, машғулотдан ташқарида ҳам гигиенага амал қилиш муҳим эканлигини айтиб ўтди.

Islom.uz портали таҳририяти